



Jadnański pórěd Zwězkowego pśedsedařstwa Domowiny za wólbnu dobu 2025-2029

§ 1 Powšykne zasady žěłabnosći

- (1) Zwězkowe pśedsedařstwo Domowiny nawjeduju žěło kšywowego zwězka mjazy głownymi zgromažinami
- (2) Zestawa, nadawki a kompetence zwězkowego pśedsedařstwa rědujo artikel 9, wótrězki 1 - 7 wustawkow Domowiny.
- (3) Zwězkowe pśedsedařstwo społnijo swóje nadawki z/ze
 - pórědnymi a wurědnymi pósejženjami,
 - žěłom prezidiuma pó §12 toś togo pórěda,
 - analytiskim a koncepcionelnym pśedžěłom žěłowych wuběrkow a kupkow,
 - koordinaciju a integraciju cełonarodnego žěła we wótgłosowanju z pśedsedařstwami
 - zgromadnym žěłom cłonkojskich župow a towaristwow a z drugimi zwězkarjami,
 - statkowanim kuždego jednotliwego cłonka zwězkowego pśedsedařstwa w swójom towaristwje a w zjawnosći,
 - aktiwnym zjawnostnym žěłom wó zaměrach kšywowego zwězka a wó položenju a zajmach serbskego luda.
- (4) Zwězkowe pśedsedařstwo zmakajo se pó artiklu 9, dypk 6 wustawkow Domowiny nanejmenjej styri raze wob lěto. Mimo togo měło se zwolaś kužde lěto klawturne pósejženje. K tomu se lětny plan žěłabnosći nastajijo, kótaryž mimo terminow teke městnosć a wopśimješowe šěžyšća pósejženjow póstajijo.

§ 2 Nadawki zwězkowego pśedsedařstwa

- (1) Zwězkowe pśedsedařstwo ma pó artiklu 9 dypki 3 do 5 wustawkow Domowiny slědujuce nadawki:
 - rozsuziś wó pšašanjach běžnego žěła Domowiny mjazy głownyma zgromažinomama,
 - póstajiš šěžyšća žěłabnosći a rědowaś zawězujuce zagronitosći za zwopšawdnjenje nadawkow,
 - pšawidłownje pśiwześ rozpšawy pśedsedařa a prezidiuma Domowiny,

- póstajís zagronitoscí a nadawki prezidiuma,
- řédowaś wobsejženstwo a finance Domowiny,
- pśiwześ a schwaliś financne a góspodařske plany a rozpšawy,
- wutwóriś žělowe wuběrki,
- póstajís šěžyšća žělabnosći zastojnstwa a wótrědow a pśiwzejo wše rozpšawy wó žělabnosći,
- nachylnje rozsužiś wó nosařstwach institucijow,
- pówołaś a wótwołaś resp. nominěrowaś zastupjarjow Serbow do/z gremijow a pšawidłownje pśiwześ rozpšawy wó jich žělabnosći,
- wobzamknuś žělowe pórědy Domowinskego zastojnstwa a jogo wótzělenjow,
- pówołaś a wótwołaś głownu jadnařku a jadnarja Domowiny,
- wobzamknuś wuznamjenjeńske pórědy Domowiny, kótarež njejsu wobstatk wustawkow Domowiny,
- wóliś cłonki mytowańskego wuběrka,
- naražiś głownej zgromažninje pó pórucenju wujadnańskego wuběrka wótwołanje cłonka zwězkowego pśedsedařstwa z wólbneje funkcije,
- rozsužiś na zakłaže dopóručenja wujadnańskego wuběrka wó pśikazanem nachylnem wótpócywanju funkcije cłonka,
- rozsužiś wó pśiwześu nachylnego złoženja wólbneje funkcije na zakłaže pódaša swójskeje wóle.

(2) Dalšne nadawki zwězkowego pśedsedařstwa su:

- wótgłosowaś wó naraženju wó změnje městnego plana struktury zastojnstwa abo wótrědow Domowiny,
- wótgłosowaś wó naraženju wó pśistajenju abo pušćenju sobužělašerja wušej zaslužboweje kupki 11 tarifa L,
- wótgłosowaś wó jadnotliwych inwesticijach wušej 10.000 €,
- wótgłosowaś wó nakupi abo pśedašu imobilijow.

§ 3 Pósejženja zwězkowego pśedsedařstwa

- (1) Wobradowanja zwězkowego pśedsedařstwa su pó artiklu 9, dypk 7 wustawkow Domowiny zjawne. Wobradowanja zwězkowego pśedsedařstwa dejali pó župnych teritorijach drogowaś. Medijowy powědař Domowiny informěrujo medije tyžeń do pósejženja wó wopśimjeśach zjawneho žěla pósejženja. Zjawny žěl pósejženjow wusćeła se ako livestream do seši, jolic techniske móžnosći na městnosćach wobradowanja to dowóliju. Zastojnstwo Domowiny ma trjebne techniske wobstojnosći řédowaś.
- (2) Wobradowanje žěli se pó pótrjebje do zjawneho a njezjawneho žěla. Zjawny a njezjawny žěl pósejženja matej se w naraženju za dnjowny pórěd wupokazaś.
- (3) Personalne pšaśanja deje se w kuždem paže w njezjawnem žělu wobradowanja a w njepśibytnosći pótrjefjonego wobjadnaś.
- (4) „Napšaśowanja cłonkow Domowiny a gósci k serbskim nastupnosćam” a „rozpšawa

předsedařa a člonkŏw zwězkowego předsedařstwa wŏ žělabbnosći kšywowego zwězka mjazy pósejženjoma zwězkowego předsedařstwa" dejali stawny wobstatk pósejženja zwězkowego předsedařstwa byš.

- (5) Člonki zwězkowego předsedařstwa maju pšawo, temy za wobjadnanje do pósejženja zwězkowego předsedařstwa zastojnstwoju Domowiny pisnje zapódaš. Wŏ wobjadnanju naraženjow rozsužijo zwězkowe předsedařstwo.
- (6) Mimo togo smějo kuždy člonk zwězkowego předsedařstwa do wobzamknjenja dnjownego pŏředa pšosbu wŏ wuzamknjenje zjawnosći pši wobjadnanju wěstego dypka dnjownego pŏředa stajiš. Wŏ póžedanju se wŏtgłosujo pó § 7 wŏtrězkach 7 do 9.
- (7) Člonki zwězkowego předsedařstwa su winowate, wŏ wšykných w njezjawnem žělu pósejženja wobjadnaných nastupnosćach mjelcaš.
- (8) Pŏředne pósejženja zwězkowego předsedařstwa zwoła předsedař Domowiny na zaklaže wobzamknjonego lětnego plana žělabbnosći.
- (9) Wurědne pósejženje zwoła se wŏt předsedařa pó pisnem póžedanju nanejmnjej stwjerši člonkŏw zwězkowego předsedařstwa, tšoch towaristwow abo prezidiuma (glej wustawki Domowiny artikel 9, dypk 6). Wŏno ma se w běgu dweju tyženjowu pšewjasć.
- (10) Pšepšosenje z naraženim za dnjowny pŏřed a pšedłogami zjawnego žěla pósejženja ma kuždy pŏředny člonk zwězkowego předsedařstwa nanejpŏzdžej 7 dnjow do wobradowanja digitalnje dostaš. Žycy-li se to adresat, mógu se jomu pŏdložki teke z postom pšipŏslaš.
Wŏ nastupnosćach, kŏtarež njejsu w pšipŏslanem naraženju za dnjowny pŏřed zapisane, smějo se jano pŏtom wobradowaš a rozsužiš, gaž njedajo se nastupnosć pšestarcyš a zwězkowe předsedařstwo wobjadnanjeju pšigłosujo.
- (11) Pšepšosenje z naraženim za dnjowny pŏřed a pšedłogi pósejženja dostanu teke głowna jadnařka a jadnař, wjednica Řečnego centruma WITAJ, jeje zastupnik a referenty zastojnstwa Domowiny. To samske plaši za předsedařa rewizijnego wuběrka a předsedařa wujadnařskega wuběrka, jolic sebje to žycytej.
- (12) Pŏdložki zjawnego žěla pósejženja dostawaju teke župany a předsedaře člonkojskich towaristwow, kenž njejsu z člonkom zwězkowego předsedařstwa, jolic sebje to žyce.
- (13) Pŏdložki njezjawnego žěla pósejženja dostawaju wŏsoby pó § 5 dypk 10.
- (14) Pósejženja zwězkowego předsedařstwa pšewjedu se pó móžnosći realnje na pŏstajonem městnje. Wŏtpowědujucy artikloju 7, wŏtrězk 3 wustawkow jo wobžělenje pó elektroniskej droze (na pšiklad pšez telefon abo wideowu konferencu) abo w měšanej formje z pšibytnymi ako teke z wobžělnikami pšez wideowu konferencu, druge medije abo telefon móžne. Wobžělenje pó elektroniskej droze jo jano z legitimaciskimi a pšistupnymi datami móžne, kŏtarež plaše za wŏtpowědujuce pósejženje. Daty se we wŏsebnej mejlce scasom do zgromažiny pŏsrědnjaju.

§ 4 Nawjedowanje pósejženjow

- (1) Pósejženja nawjeduju pśedsedař, w paže zajžowanja zastupujucej pśedsedarja. Za wobjadnanje jednotliwych dypkow dnjownego pórěda móžo prezidium drugih zagronitych zasajziš.
- (2) Pśedsedař a zastupujucej pśedsedarja twórje pósejžeński prezidium. Pósejžeński prezidium jo za pórědny wótběg pósejženja ako teke za dožaržanje wustawkow Domowiny a jadnańskego pórěda zwězkowego pśedsedařstwa zagronity.
- (3) Nawjedowař pósejženja ma slědujuce nadawki:
 - pósejženje zachopiš a pśibytnych wuwitaš,
 - pśipowěžeš, až se wótběg zjawneho žěla pósejženja nagrawa a až njesu žedne dalšne nagraša dowólone,
 - pśipowěžeš, až se zjawny žěl pósejženja digitalnje ako livestream do seši wuscěla,
 - pśibytnosć a zagronjenja zwěściš,
 - wopšawnosć wobzamknjenja zwěściš,
 - pśedsudkownosć zwěściš,
 - wó dnjownem pórěže wótgłosowaš daš,
 - diskusiju k jednotliwym dypkam nawjedowaš a z wopšimješowym rezimejom zakóńczyš,
 - konkretny tekst wobzamknjenja de jał wón do wótgłosowanja pśedcytaš resp. pólowne naraženje za wobzamknjenje formulěrowaš abo pśeformulěrowaš,
 - wó pśedłogach a drugih naraženjach k wobzamknjenju wótgłosowaš daš,
 - rezultat wótgłosowanja zwěściš (tši kategorije: za namjet/za naraženje, přećiwo namjetej/pšešiwu naraženju a so hłosa wzdám/se głosa zdžaržyjom),
 - pśiwzeše abo wótpokazanje naraženja zwěściš,
 - wó wokolnem abo listowem wótgłosowanju nastupnosći rozsužiš daš,
 - wó wótsajženju dypkow dnjownego pórěda resp. wó slědkdašu pśedłogow k dalšnemu wobžělanju w prezidiumje abo žělowych wuběrkach rozsužiš daš,
 - pórědny wótběg pósejženja na zakłaže jadnańskego pórěda zawěściš a domowe pšawo wugbaš a
 - pósejženje zakóńczyš.

§ 5 Wobžělenje na pósejženjach

- (1) Člonki zwězkowego pśedsedařstwa su winowate, se na pósejženjach wobžěliš. W paže zajžowanja su winowate, pśedsedarja abo sekretariat zastojnstwa Domowiny wó tom informěrowaš.
- (2) Lisćina za wupłašenje pósejžeńskich pjenjez plaši rownocasnje ako lisćina pśibytnosći. Kuždy člonk zwězkowego pśedsedařstwa zapišo se ze swójim pódpismom do lisćiny pśibytnosći a wupołnijo lisćinu za zarownanje jězdnych wudawkow, jolic wón społnijo k tomu trjebne wuměnenja pó plašecem ředowanju.

- (3) Člonki zwězkowego pśedsedařstwa směju se digitalnje na pósejženju wobželiš.
- (4) Digitalne wobželenje zapišo protokolant do lisćiny pśibytnosći.
- (5) Člonk zwězkowego pśedsedařstwa, kótaryž co pósejženje docasnje wopušćiš, musy to wjednikoju pósejženja k wěsći daš.
- (6) Pó artiklu 9, dypk 2 wustawkow Domowiny matej se głowna jadnařka a jadnař na pósejženjach zwězkowego pśedsedařstwa z póražujucym głosom wobželiš. To same pšitrjefijo za wjednicu RCW a jeje zastupnika, tematizěruju-li se kublańsko-politiske pšašanja. Medijowy powědař, referentka za nastupnosći kšywowego zwězka a referentka za gremijowe a ministerialne nastupnosći se tejerownosći na pósejženjach wobželiju.
- (7) Pśedsedař rewizijnego wuběrka kaž teke pśedsedař wujadnańskego wuběrka matej pó artiklu 9, dypk 2 wustawkow Domowiny pšawo, se na wobradowanjach zwězkowego pśedsedařstwa z póražujucym głosom wobželiš.
- (8) Zastupnik Domowiny we FUEN-prezidiju ma pšawo, se z póražujucym głosom na pósejženjach zwězkowego pśedsedařstwa wobželiš.
- (9) K zjawnym pósejženjam ma kuždy zajmc pšistup. Zajmce pak njamaju pšawo, do jadnanjow zapšimnuš abo wótběg pósejženja móliš.
- (10) Na njezjawnem žělu wobželuju se člonki zwězkowego pśedsedařstwa, głowna jadnařka a jadnař, referentka za nastupnosći kšywowego zwězka, medijowa powědařka, referentka za gremijowe a ministrańske nastupnosći ako teke protokolantka/protokolant ze zastojnstwa. Řědowanja § 7, dypk 13 nastupajucy pśedsudkownosći maju se dožaržaš. Jolic mašizna pśedwižonego dypka to pomina, směju se dalšne wósoby na njezjawny žěl pšepšosyš. Na njezjawnem žělu smějotej se teke pśedsedař rewizijnego wuběrka a pśedsedař wujadnańskego wuběrka wobželiš.

§ 6 Wobželenje na diskusiji

- (1) Člonki zwězkowego pśedsedařstwa a prezidiuma, głowna jadnařka, jadnař a wobželniki pó § 5 dypki 6 do 9 togo pórěda, ako teke pšepšosone gósći maju pšawo, se wugroniš, gaž jim wjednik pósejženja słowo pšepódajo. Kuždy diskutant smějo se jano dwójcy k samskej nastupnosći wugroniš. Słowo se pó rěže pšizjawjenjow pšepódawa. Wó powědańskem pšawje njepšosonych gósći rozsužijo pósejžeński prezidium.
- (2) Člonk zwězkowego pśedsedařstwa, kótaryž co k jadnańskemu pórědoju powědaš, pšizjawijo to ze zwignjenim wobeju rukowu. Wón dostanjo pótom ned słowo.
- (3) Gdyž wugronijotej se pominanje abo naraženje za wótgłosowanje, smějotej zasadnje jaden člonk zwězkowego pśedsedařstwa za to a jaden pšesiwo tomu powědaš. Pótom se wótgłosuju.
- (4) Cas powědanja móžo se wót pósejžeńskego prezidiuma pó pótrjebnosći wobgranicowaš.
Gaž se wěcej wó temje njepowěda, ma wjednik pósejženja pšawo, powědajucemu słowo wezeš.

- (5) Jadnański pórěd dowólijo čłonkam zwězkowego pśedsedařstwa w běgu pósejženja slědujuce naraženja:
- slědkdaše nastupnoći do prezidiuma, do žěloweje kupki resp. do žělowego wuběrka abo na Domowinske zastojnstwo, až by se pśedłoga k tomu pśigótowała resp. pśedlažeca pśedłoga se pšežěła,
 - wótsajženje nastupnoći z dnjownego pórěda resp. pšestarcenje wobjadnanja,
 - wokolne wótgłosowanje pó pósejženju, gaž pśedlažy pšežělane naraženje za wobzamknjenje,
 - zakóńcenje diskusije k nastupnoći,
 - wótgłosowanje wó pśedłozu resp. wó naraženju k wobzamknjenju,
 - pšetergnjenje abo zakóńcenje pósejženja,
 - wuzamknjenje zjawnoći,
 - pominanje za pótajmnym wótgłosowanim abo za wótgłosowanim pó mjenju,
 - napšašowanje wěcywuznatych wósobow a
 - pšepódaše połnomócy k dokóńcnemu rozsudu prezidiumoju, pśedsedarjeju abo Domowinskemu zastojnstwoju.
- (6) Čłonek zwězkowego pśedsedařstwa, kótaryž jo se k diskusiji pśizjawil a njejo zakóńcenja diskusije dla wěcej słowo dostał, smějo swój pšinosk pisnje pśedsedarjeju pšepódaš. Pšinosk pšipołožyjo se protokoloju.
- (7) Do wótgłosowanja wó pśedłogach a naraženjach za wobzamknjenje smějo kuždy čłonek zwězkowego pśedsedařstwa wósobinske wujasnjenje wótedaš. K tomu pšepódajo jomu wjednik pósejženja pó wótpowědnem pśizjawjenju słowo. Take wósobinske wujasnjenje smějo jano rownostajenje wopacnych wugronjenjow abo wótwoboranje wósobinskego nadpada wopšimješ.

§ 7 Wótgłosowanja a wobzamknjenja

- (1) Pó artiklu 7, dypk 4 wustawkow Domowiny jo zwězkowe pśedsedařstwo wopšawnjone k wobzamknjenju, gaž jo wěcej ako połojca jogo čłonkow pšibytna.
- (2) Naraženje jo pšiwzete, gaž jo wětšyna pšibytnych za wótgłosowanje wopšawnjonych za naraženje głosowała, tak dlujko ako njejo to w toš tom pórěže abo we wustawkach hynac póstajone. Pši samskej licbje głosow za abo pšešiwo naraženjeju jo naraženje wótpokazane.
- (3) Za wótgłosowanje dostanjo kuždy čłonek głosowańske kórtki.
- (4) Wótedane glose digitalnje pšizamknjonych čłonkow zwěscijo wjednik pósejženja z pomocu wobrazowki. Za cas wótgłosowanja a wulicjenja musy wósoba, kótaraž wótgłosujo, na wobrazowce wižeš byš. Jolic njejo wósoba wižeš abo njedajo se wótedany głos pširědowaš, se toš ten njelicy.
- (5) Naraženje k wobzamknjenju musy pisnje abo wustnje jasnje sformulěrowane byš, nježlic se wó njom wótgłosujo. Wó kuždem naraženju se jadnotliwje wótgłosujo.

Gdyž pśedlaży wěcej naraženjow k wobzamknjenju, kótarež samsku nastupnosť wobjadnaju, wótgłosujo se nejperwjey naraženje, kótarež pó wopśimješu nejžwěcej zaměroju wobzamknjenja wótpowědujo.

- (6) Signalizěrujo-li jedno člonkowske towaristwo z pisnym wobtwarženim w pśigótach pósejženja k naraženju za wobzamknjenje mócnje wobmyslenja, ma se pśedsedařstwo toś toho towaristwa do wótgłosowanja słyšaś. Słyšanje pśedsedařstwa toś toho towaristwa se pśewježo w zwězkowem pśedsedařstwje.
- (7) Wótgłosujo se zasadnje zjawnje ze zwignjenim głosowańskeje kórtki.
- (8) Gdyž se to jaden člonk zwězkowego pśedsedařstwa pomina, pótom se pó mjenu abo pótajmnje wótgłosujo. Pśedlažytej wobej naraženi, pón se pótajmnje wótgłosujo. Pśi wótgłosowanju pó mjenu pśedcytajo wjednik pósejženja mě wótpowědnego člonka zwězkowego pśedsedařstwa, kótaryž musy pótom groniś, lěc wón "za naraženje" abo "pśešiwo naraženju" głosujo resp. lěc se głosa zdžaržyjo. To se we wótpowědnej lisćinje dokumentěrujo a protokoloju pśidajo. Člonki zwězkowego pśedsedařstwa, kótarež njejsu wobzamknjenju pśigłosowali, směju se pominaś, až se to w protokolu naspomnjejo.
- (9) Pó artiklu 7, dyk 4 wustawkow Domowiny móžo zwězkowe pśedsedařstwo teke pó pisnej droze rozsudy twóriś. Wó tom ma zwězkowe pśedsedařstwo abo prezidium rozsuziś. Za wobzamknjenje pó pisnej droze musy se nanejmnjej połojca člonkow na wótgłosowanju wobželiś. Płaše zasady z § 7 dyk 2 toś toho pórěda.
- (10) Gaž se wuměnjenja za płašece wobzamknjenja zasadnje změniju, móžo se wótpowědne pšašanje wótnowotki w zwězkowem pśedsedařstwje wobjadnaś. Pśi tom ma se wó tom rozsuziś, lěc se do toho wótgłosowane wobzamknjenje slědk wzejo.
- (11) Wólby a personalne rozsudy pśewjedu se w pótajmnem wótgłosowanju. Smějo se zjawnje wóliś, gdyž njejo žeden člonk zwězkowego pśedsedařstwa pśešiwo tomu. Wólona jo zasadnje ta wósoba, kótaraž dostanjo wěcej ako połojcu głosow pśibytnych do głosowanja wopšawnjonych člonkow zwězkowego pśedsedařstwa. Pśi wšakorakich mjenjach na jadnom wólbnem lisćiku, su toś te wósoby wuzwólone, kótarež su pó rěže nejwěcej głosow dostali. Pśi rowności głosow ma se pśewjasć dowuzwólwanje. Wólony jo pótom ten samy, kótaryž dojspijo w dowuzwólwanju wětšynu głosow.
- (12) Pótajmne, listowe wólby su móžne. Wó tom ma zwězkowe pśedsedařstwo abo prezidium rozsuziś.
- (13) Člonki zwězkowego pśedsedařstwa njesměju se pśi wobjadnanju a wobzamknjenju nastupnosťow wobželiś, gaž móžo jim wobzamknjenje wósobinski, jich swójbny m resp. pśiswójbny přědnego stopjenja abo institucijam, kótarež wóni juristiski zastupuju, njepósrědnje lěpšyny abo njelěpšyny pśinjasć. Pótrjefjony člonk zwězkowego pśedsedařstwa musy sam swój pśedsudkownosć do wobjadnanja wótpowědneje nastupności pśizjawiś. Wón smějo se w paže zjawneho žěla pósejženja sednuś ku góscam, w paže njezjawneho žěla pak musy pósejžeńsku rumnosť wopuściś. Gdyž wobstoje cwiblowanja na pśedsudkownosći resp. njepśedsudkownosći, pótom rozsuzijo se w njepśibytnosći pótrjefjonego. To samske płaši za wšyknych dalšnych pśibytnych abo digitalnje pśibytnych.

§ 8 Protokol zjawnego žěla pósejženja

- (1) Wó kuždem zjawnem pósejženju wužěłajo se protokol wobzamknjenjow. Ako pomocny srědk za protokolěrowanje zjawnego žěla pósejženja wužywa se nagrawański řěd.
- (2) Protokol zjawnego žěla dej wopšimješ:
 - termin, městno, zachopjeńk a kóńc wobradowanja,
 - mě wjednika / wjednikow zejženja,
 - pšibytnosć cłonkow a gósci,
 - dnjowny pórěd,
 - cysła a title wobjadnaných pšedłogow,
 - wobzamknjenja z formulaciju naraženja, z wuslědkom wótgłosowanja a z běžnym cysłom toś teje wólbneje doby,
 - nadawki, kótarež su se drugim gremiumam pšepódali,
 - wósobinske stojnišćo, gaž se to cłonk zwězkowego pšedsedařstwa pomina a
 - teksty rozpšawow ku głownym nastupnosćam ako dodank k protokoloju.
- (3) Cłonki zwězkowego pšedsedařstwa a jogo stawne gósci dostanu w běgu jadnogo tyženja pó pósejženju na digitalnem pušu nacerjenje protokola a směju k protokoloju pokazki abo korektury zapódaš. Doskóńcne nacerjenje pšepódajo se z pódložkami za pšiduce pósejženje.
- (4) Župany a pšedsedarje cłonkojskich towaristwow, kenž njejsu cłonk zwězkowego pšedsedařstwa, dostanu protokol k informaciji, jolic sebje to žyce. To samske plaši za pšedsedarja rewizijnego wuběrka a pšedsedarja wujadnańskego wuběrka.
- (5) Protokol a społnjenje wobzamknjenjow se kontrolěrujotej na pšiducem zjawnem wobradowanju zwězkowego pšedsedařstwa.

§ 9 Protokol njezjawnego žěla

- (1) Wó kuždem njezjawnem pósejženju nažěłajo se wuslědkowy protokol.
- (2) Wobzamknjenja njezjawnego žěla maju se ze separatnym běžnym cysłowaním protokolěrowaš ("n" pšed cysłom).
- (3) Wobstoj móžnosć, jadnotliwe wugronjenje pó słowje do protokola pšewzeš.
- (4) Cłonkam wurownańskego wuběrka ma se na pominanje protokol pód doglědom w zastojnstwje spšistupniš.
- (5) Protokol njezjawnego žěla kontrolěrujo se na pšiducem pósejženju zwězkowego pšedsedařstwa.

§ 10 Pšedłogi

- (1) Pšedłogi do zwězkowego pšedsedařstwa směju zapódař:
 - prezidium,
 - pšedsedař a zastupujucej pšedsedařja Domowiny,
 - člonki zwězkowego pšedsedařstwa,
 - žěłowe wuběrki resp. žěłowe kupki,
 - rewizijny a wuownaňski wuběrk Domowiny,
 - pšedsedařstwa člonkojskich župow a towaristwow, ako teke
 - zastojnstwo Domowiny a
 - Rěčny centrum WITAJ.
- (2) Pšedłogi se wužěłaju, gaž se zwěscijo trjebnosć wobjadnanja wótpowědnego pšařanja wót boka wólonych gremijow kšywowego zwězka, pšedsedařstwow člonkojskich župow a towaristwow abo teke zastojnstwa Domowiny, gdyž zwězkowe pšedsedařstwo wótpowědny nadawk wobzamknjo abo pósejžeňskej plana zwězkowego pšedsedařstwa to pšedwiži.
- (3) Pšedłogi dejali se zasadnje prezidiumoju k pšedwobjadnanju pšepódař, aby mógal zwězkowemu pšedsedařstwu doporučenje k dokócnemu wobjadnanju pšedłogow pšepódař. Referentka za nutšikowne nastupnosći Domowiny řědujo, numerěrujo a spšistupnijo resp. wózwajijo pšedłogi we wótgłosowanju z prezidiumom.
- (4) Za pšigótowanje pšedłogow ma se wósebny formular wužywař (glej dodank). Kužda pšedłoga dostanjo swójo cysło (běžne cysło + licba lěta). Pšedłogi, kenž se rozsužuju w prezidiumje na zakłaže § 6, dypka 5, smužki 10 abo § 12, dypkow 2, 4 abo 5 togo jadnaňskega pórěda, maju pšed běžnym cysłom pšidank "P". Pšedłogi, kótarež se w zwězkowem pšedsedařstwe dokócnje wobjadnaju a schwaliju, maju pšidank "ZP". Wobej družynje pšedłogow se separatnje licytej a składujotej. Wobtwarženje za naraženje k wobzamknjenju pódajo se we wótpowědujucem pšidanku.
- (5) W pšedłogach, kenž služe jano informaciji, zapišo se do rubriki "Naraženje za wobzamknjenje " pasus, až se informacija k wěšći wzejo.
- (6) Financne wustatkowanja wobzamknjenjow maju se pomjenjowař a zastojnstwo Domowiny dejało financěrujobnosć do jadnanja w prezidiumje pšespytowař a z pódpismom głowneje jadnaňki, jadnarja abo wjednik wótzělenja knigływježenje wobtwaržiř.
- (7) Gaž se w běgu jadnanjow zwězkowego pšedsedařstwa wóthylajuće naraženje k wobzamknjenju formulěruju, pón pišo se nowa formulacija do pšeglěda pšedłogow.

§ 11 Wutwóřenje žěłowych wuběrkow

- (1) Zwězkowe pšedsedařstwo abo prezidium wutwórijotej pó pótrjebje k analytiskemu a koncepcionelnemu wobžěłanju nastupnosćow žěłowe wuběrki. Kuždy wuběrk dejał z nanejmnjenjej 5 člonkow wobstojař.

Póstajijo se zestajenje a wjednik želowego wuběrka, jogo zastupnik, pó wopšimješu píslišajucy zagronity zastojnstwa, wopšimješowe zaměry žělabnosći a doba statkowanja.

- (2) Wuběrki maju pšawo, stajis na prezidium pšosbu wó juristiske póražowanje.
- (3) Za wótběg pósejženjow želowych wuběrkow plaše w zasaže póstajenja jednaškego póřěda zwězkowego pšedsedařstwa wótpowědnje. Wobradowanja wuběrkow su zasadnje njezjawne. Wuwzeša su móžne. Čłonkam zwězkowego pšedsedařstwa a prezidiuma jo pšistup kuždy cas móžny.
- (4) Protokole wobradowanjow želowych wuběrkow dostanu mimo čłonkow wuběrka teke čłonki prezidiuma. Čłonki zwězkowego pšedsedařstwa směju se protokole pominaš.
- (5) Ako čłonki želowych wuběrkow mógu se mimo čłonkow zwězkowego pšedsedařstwa a prezidiuma dalšne zastupniki župow a towaristwow ako teke fachniki pówołaš. Wóni pódláže samskemu ředowanju dowěrnosći ako čłonki zwězkowego pšedsedařstwa.
- (6) Wuběrki rozpšawiju zwězkowemu pšedsedařstwoju abo prezidiumoju pšawidlownje wó rezultatach a žělabnosći swójogo statkowanja a pšedpołožuju wótpowědne naraženja ako pšedłogi k wobjadnanju a schwalenju.
- (7) Pšedsedarje wuběrkow směju na zaklaže napšašowanjow medijow abo pó swójskem rozsuže čłonkow wuběrkow zjawnosć k tematiskim šěžyšćam njezjawnych pósejženjow wuběrkow informěrowaš. Pši tom dej se na to glědaš, až dej se jednaš wó powšykne informacije žělabnosći wuběrkow, nic pak wó nacerjenja, kenž muse zwězkowe pšedsedařstwo dodiskutěrowaš a wobzamknuš.

§ 12 Prezidium

- (1) Pó artiklu 10, dyk 1 wustawkow Domowiny slušaju do prezidiuma pšedsedař Domowiny, jogo zastupnika a dalšnej čłonka zwězkowego pšedsedařstwa, kótarejuž na naraženje pšedsedarja zwězkowe pšedsedařstwo pówołajo.
- (2) Pó artiklu 10 dyk 3 wustawkow Domowiny póstajijo zwězkowe pšedsedařstwo slědujuce zagronitosći prezidiuma:
 - a. pšigótowaš pó wopšimješu pósejženja zwězkowego pšedsedařstwa,
 - b. póražowaš zwězkowe pšedsedařstwo we wopšimješowych a wažnych organizatoriskich pšašanjach a k tomu pšedpołožyš trjebne pšedłogi,
 - c. póražowaš pšedsedarja Domowiny w jogo běžnem žěle,
 - d. wutwóriš w nadawku zwězkowego pšedsedařstwa nachylne žělowe kupki resp. wuběrki a jich žělo koordiněrowaš,
 - e. póražowaš pšedsedarja a jednařstwo pši koordinaciji běžneje žělabnosći zastojnstwa Domowiny a Řěcneho centruma WITAJ a pšiwzeš k tomu trjebne informacije,
 - f. pšigótowaš głowne zgromažiny Domowiny a nawjedowaš wužělanje rozpšawy wó zwopšawdnjenju nadawkow želowych směricow zwězkowego pšedsedařstwa a
 - g. rozsužiš wó slědujucych pšašanjach:

- chwytne trjebne stojnišća Domowiny k nacerjenjam pšawniskich pšedpisow a k aktualnym pšašanjem,
 - stojnišća Domowiny k pšedewzešam regionalnego planowanja,
 - delegěrowanje kulturnych kupkow w nadawku Domowiny, projekty kulturneje wuměny a słužbne jězby cesnoamtskich zastupnikow Domowiny do wukraja,
 - koncepty za wrošenice a jubileje,
 - napšawy w zwisku z wobgospodarjenim imobilijow Domowiny,
 - nadawki k pšawniskemu póražowanjeju Domowiny,
 - kóńcna redakcija stojnišćow, rezolucijow, brošurkow, memorandumow a pódobnych wózjawjenjow Domowiny, kótarež se w zjawnosći rozšyriju,
 - wobžělenje Domowiny pši projektach drugich nosarjow,
 - koncepty za wopomnjeńske dny,
 - z běžneje žělabnosći kšywowego zwězka wótwóžone nadawki za žěłowe wuběrki zwězkowego pšedsedařstwa.
- (3) Zwězkowe pšedsedařstwo informěruje se na kuždym pósejženju wó žělabnosći prezidiuma a dostanjo pisny pšeglěd rozsudow pósejženjow prezidiuma z pódložkami za swóje pšiduce pósejženje.
- (4) Pósejženja prezidiuma su zasadnje njezjawne. Čłonki zwězkowego pšedsedařstwa směju se na pósejženjach wobžělić. Čłonki zwězkowego pšedsedařstwa maju pšawo, prezidiumoju naraženja za wobjadnanje nastupnosćow zapódać.
- (5) Žělabnosć prezidiuma řědujo wósebny jadnański pórěd, kenž wobzamknu zwězkowe pšedsedařstwo.

§ 13 Winowatosći čłonkow zwězkowego pšedsedařstwa

- (1) Mimo aktiwnego wobžělenja na pósejženjach zwězkowego pšedsedařstwa ma čłonek zwězkowego pšedsedařstwa wósebne winowatosći napšešiwu župje resp. towaristwoju, kótaraž/kótarež jo jogo za wólby do zwězkowego pšedsedařstwa nominěrowała/o. Wón/wóna ma pšedsedařstwo župy resp. towaristwa pšawidłownje wó swójom statkowanju informěrować, pšedłogi w pšigótach pósejženjow z nimi diskutěrować, wobzamknjenja zwězkowego pšedsedařstwa rozkladować a jich pšesajženje pódpěrować.
- (2) Wobzamknjenja su za kuždego čłonka zwězkowego pšedsedařstwa jadnak zwězujuce. Žeden čłonek zwězkowego pšedsedařstwa njama pó wotumje wětšyny gremija pšawo, pšesajženje wobzamknjenjow blokěrować a napšešiwne aktiwity pšewjasć.
- (3) Gaž zwězkowe pšedsedařstwo póstajijo, až njesmějo se wó wěstych pšašanjach zjawnje informěrować, ma kuždy čłonek gremija winowatosć k mjelcanju. Toś ta winowatosć wobstoj až do wulichowanja na zaklaže rozsuda zwězkowego pšedsedařstwa. Winowatosć k mjelcanju pak płaši bžeze wobgranicowanja za personalne daty.
- (4) Kuždy čłonek zwězkowego pšedsedařstwa jo k aktiwnemu zjawnostnemu žěloju napominany.

§ 14 Zjawnostne žěło

- (1) Zjawnosć a žurnalisty pšepšosuju se z casnikařskim wózjawjenim a z inseratom na zjawne wobradowanja zwězkowego pšedsedařstwa.
- (2) Dnjowny pórěd zjawneho žěła wózjawijo se nejpózdzěj 3 žěłowe dny do pósejženja w serbskej a nimskej rěcy w interneše.
- (3) Pódložki zjawneho žěła pósejženja wózjawiju se w zapódanej rěcy tejerownosći nejpózdzěj 3 žěłowe dny do pósejženja na internetowej stronje Domowiny. Z toho wuwzetej stej rozpšawa pšedsedarja a rozpšawa prezidiuma Domowiny. Wó dalšnych wuwzešach smějotej zwězkowe pšedsedařstwo a prezidium rozsužiš.
- (4) Wobzamknjenja zjawneho žěła pósejženjow zwězkowego pšedsedařstwa dejali se w běgu jedneho tyženja na internetnych bokach Domowiny wózjawiš.
- (5) Pó pósejženju zgótujo medijowy powědař medijowe wózjawjenje wó glownych šěžyšćach a wuslědkach zejženja. Pó wótgłosowanju z jednym člonkom prezidiuma pósrědnja se wóne redakcijam, člonkam zwězkowego pšedsedařstwa a dalšnym zajmowanym adresatam. Zrazom ma se wóno na internetowej stronje Domowiny wózjawiš.
- (6) Rozsudny internego resp. dowěrliwego charaktera, kótarež njesměju se wózjawiš, se na pósejženju konkretnje pomjenjuju.

Tak dłužko ako se w toš tom jadnařskem pórěže funkcije a pomjenjowanja pó muskecem a žeńskecem rože wopisuju, měni se z tym rownogódnje žeńskecy a muskecy rod.

Jadnařski pórěd zwězkowego pšedsedařstwa za wólbnu dobu 2025-2029 schwalijo se na pósejženju zwězkowego pšedsedařstwa dnja 26.09.2025 w Miłorazu a z tym nabywa płašiwosć.